

詩
經
類
考

詩經類考卷之二十五

明武塘沈萬鈞仲容采輯

草木考下

稼 穡 禾

說文云禾之秀實爲稼○毛傳曰種之曰稼○周禮大司徒辨十有二壤之物而知其種以教稼穡樹藝遂人以土宜教畛稼穡遂師巡稼穡遂大夫正歲簡稼器修稼政縣正各掌其縣之政令徵比趨其稼事鄼長歲時簡器與有司數之里宰以歲時合耦于耨以治稼穡趨其耕耨司稼巡野觀稼以年之上下出

欽法注云種穀曰稼如嫁女有所生○稽說文云穀
可收曰稽○毛傳云歛之曰稽○疏云以稼稽相對
則先稼後稽故知種之曰稼歛之曰稽若散則相通
大田云曾孫之稼非唯種之也湯誓云舍我稽事非
唯歛之也○左傳疏云稽愛也言愛惜而收歛之○
內則云飯黍稷稻粱自黍黃粱稭上稭音提注云穀熟
而穫之曰稭生穫之曰稭○禾者穀連葉結之總名
黍稷重稭其餘稻秫苽粱之屬皆禾也麻與菽麥則
無禾稱○說文云禾嘉穀也二月而種八月而熟得
時之中故爲禾又禾木也木旺而生金旺而死○廣

雅云粢稻其穗謂之禾○春秋說題辭云禾者銜滋液注銜滋液以生故以禾穀爲名也○孝經援神契云德之下地則嘉禾生○周書曰凡禾麥居東方黍居南方稻居中央粟居西方菽居北方○董仲舒云聖人於五穀最重麥與禾○汜勝之書云種禾無期因地爲時三月榆莢雨時高地強土可種禾○七月䟽云苗生旣秀謂之禾種殖諸穀名爲稼禾稼者苗榦之名公羊注云苗者禾也生曰苗秀曰禾○呂氏春秋云飯之美者玄山之禾

樞榆

樞其針刺如柘其葉如榆爲茹美滑爾雅云樞莖疏
郭云今之刺榆有十種葉皆相似皮及木理異矣廣
雅云柘榆梗榆也○陸疏云其針刺如柘其葉如榆
淪爲茹美滑于白榆○陳藏器云江南有刺榆無大
榆刺榆秋實○榆按陸氏云有十種樞今刺榆也○
本草零榆味甘平生潁川山谷卽榆皮味甘寒生山
中如榆皮有滑汁秋生莢如北榆○爾雅無姑其實
夷注無姑姑榆也生山中葉圓厚剝取皮合漬之味
甘辛所謂蕪夷是也○本草云味甘辛生晉山川谷
○說文曰榆白粉也榆有刺莢爲蕪夷范子計然曰

燕夷出地赤心者善郭璞云枌榆先生葉却著莢皮
色白廣志又曰有姑榆有郎榆郎榆無莢材任車用
善蚕者出渤海東光以供官又齊民要術云枌榆凡
榆二種色別種之勿令襍枌榆莢葉味苦凡榆莢味
甘陸機又云馭馬梓榆似又一種○淮南子曰五月
其樹榆○春秋元命苞曰三月榆莢落○管子曰五
沃之土其榆條長○禮記內則曰櫝苴枌榆兔音薨
考音蓍髓以滑之○崔寔四民月令曰二月榆莢成者
收乾以爲旨蓄色變白將落收爲醬隨節早晚勿失
其適○雜五行書曰舍北種榆九株蚕大得○博物

志曰食枌榆則眠不欲覺○嵇康養生論曰豆令人
重榆令人眠愚知所知也○萬畢術曰八月榆櫟今
人不飢○鄒子云春取榆柳之火○陶隱居云榆皮
性至滑利初生莢仁以作糜羹○本草衍義云榆皮
磴音魏爲粉歟歲農以代食葉青嫩時取貯亦用爲羹
茹

栲

郭璞云栲似櫟而葉小白生於山名山櫟亦類漆俗
語曰櫟櫟栲漆相似如一陸機疏云山櫟與下田櫟
略無異葉差狹耳吳人以其葉爲茗今所云爲栲者

葉如櫟木皮厚數寸可爲車輻或謂之栲櫟許慎以栲讀爲稊今人言栲失其聲耳

桤

桤爾雅疏一名櫨郭云似棣細葉葉新生可飼牛材中車輻關西呼桤子一名土樞陸機云似杏而尖白色皮正赤多曲少直枝葉茂好二月中葉疎華如練而細莖正白蓋樹今宮園種之正名曰萬歲旣取名於億萬其葉又好故種之共汲山下人或謂之牛筋或謂之櫨材可爲弓弩幹

椒

釋木云椒櫞醜抹抹實也○春秋運斗樞曰玉衡星散爲椒○埤雅椒似茱萸而小赤色內含黑子如點今謂椒目茱萸氣好上椒氣好下○酉陽雜俎曰椒可以求水銀○椒爲陽中之樹最不耐寒冬日須壅○爾雅櫞大椒疏叢生實大者名櫞陸機疏云樹如茱萸有針刺葉堅而滑澤蜀人作茶吳人作茗皆合煮其葉以爲香今成臯諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島上亦有椒樹枝葉皆相似子長而不圓甚香其味似橘皮島上獐鹿食此椒葉

肉自然作椒橘香○范子計然曰蜀椒出武都赤色者善秦椒出天水隴西細者善○本草蜀椒久服之頭不白令寒者熱熱者輕輕者重○山海經曰琴鼓之山其木多椒景山多秦椒○應邵漢官儀曰皇后稱椒房取其實蔓延盈升以椒塗室亦取其溫暖○本草經云秦椒生泰山川谷及秦嶺上或琅琊八月九月採實蜀椒一名唐菰生武都川谷及巴郡八月採實蔓椒生雲中川谷及丘冢間採莖根煮釀酒胡椒生西戎形如鼠李子調食用之味甚辛辣○援神契云椒薑禦濕菖蒲益聰○椒之種不一秦椒色黃黑

似蜀椒而大初秋生花秋末結實卽爾雅所謂檳也
蜀椒卽陸機云似茱萸有刺葉堅而滑者四月結子
無花但生葉間如小豆顚而圓皮紫赤色八月採實
陰乾其生蜀都巴郡者皮肉厚腹裏白氣味濃蔓陶
云椒俗呼爲樛似椒櫟小不香耳今亦無能辨之者
又有崖椒彼土四季採皮入藥陸機所謂竹葉椒但
可著飲食中似是今之胡椒續漢書云天竺國出胡
椒段柯古云其苗蔓生莖極弱長半寸有細條與葉
齊條上結子兩兩相對葉晨開暮合合則聚其子于
葉中者是也蓋其種實自西域來耳此詩作於晉人

晉地近秦歌其土物當指秦椒

名物疏

杖杜

杜赤棠也孔疏曰陸機云赤棠與白棠同耳但子有赤白美惡赤棠子澁而酢無味

苞栩

栩朱註柞櫟爾雅栩杼郭曰柞樹本草註櫟木三四月開黃花八九月結實其實爲皂斗櫟皆有斗木高二三丈許爾雅曰櫟其實栳釋曰栳盛實之房也其實櫟也其栳自聚柞櫟也杼也栩也皆櫟之通名櫟斗子煮食可止饑微苦壳堪染皂爾雅云栩杼

䟽桐一名杼陸機䟽云今柞櫟也徐州人謂櫟爲杼其子壳爲汁可染皂今京洛及河內言杼斗秦風山有苞櫟秦人謂柞櫟爲櫟河內人謂木蓼爲櫟椒櫟之屬也其子房生爲椹木蓼子亦房生故說者或曰柞櫟或曰木蓼機以爲此秦詩宜從其方土之言柞櫟是也東海及徐州謂之木蓮其葉始生食之味辛其椹子八月中成搏以爲燭明如胡麻燭研以爲羹肥如胡麻羹○枕中記云椹子非果非穀最益人服食無氣而受氣無味而受味消食止痢令人強健○本草衍義云櫟葉如栗葉堅而不堪充材○齊民要

術云柞砍去還生料理還復宜種于山阜之曲十年
中椽二十年中屋薪樵不在此數○淮南時則訓云
十二月之木可以爲車轂木不出火惟櫟爲然亦應
陰氣也

稻

稻爾雅云稌稻也○呂氏春秋曰得時之稻大本而
莖葆長桐音同䟽穢音几穗如馬尾大粒無芒搏米而薄
糠舂之易而食之香如此者不益先時者大本而莖
葉格對短桐短穗多秬厚糠薄米多芒後時者纖莖
而不滋厚糠多秬辟米不特定熟卽天而死○汜勝

之書種稻春解凍時耕反其土種稻區不欲大大則
水深淺不遍冬至後百一十日可種稻地美者用種
畝四斗○月令章句云十月穫稻九月熟者謂之半
夏稻○爾雅翼云稻米粒如霜性尤宜水故五穀外
別設稻人之官掌稼下地以豬蓄水以防止水以溝
蕩水以遂均水以列舍水以澮瀉水稻說文曰稌也
沛國謂稻曰稌奴亂反稌稻屬或作粳是則直以稌爲
稻耳若鄭康成注周禮稌稌也則稻是稌要之二者
皆稻也故汜勝之三月種稌稻四月種秣稻字林云
糯黏稻也秣稻不黏者今人亦皆以二穀爲稻○本

草稷米味甘主益氣止煩止洩稻米味苦主溫中○
顏師古刊謬正俗云本草稻米今之糯米養生要術
云秔稻屬也稻亦秔之總名也道家方藥有用稻米
秔米此則是兩物也稻米粒白如霜味苦主溫食之
令人多瘦無肌膚秔米味甘主利五藏長肌膚好顏
色○周禮云揚州宜稻○曲禮云祭宗廟之禮稻曰
嘉蔬○月令云季秋天子乃以犬嘗稻先薦寢廟○
春秋說題辭云稻之爲言藉也稻冬含水盛其德也
故稻太陰精含水沮洳乃能化也江旁多稻固其宜
也○孝經援神契云汚臬宜稻○廣志有虎掌稻紫

言系表三
芒稻南方有蟬鳴稻累子稻白漢稻七月熟青芋稻
八月熟○摩揭它國出異稻巨粒號曰供大人米卽
今江南之香珠稻也○物產志稻有一歲再收者旣
春種而夏獲矣復以七月初再種至十月熟曰撫稻
○隋書婆登國有月熟之稻一月一熟○抱朴子曰
南海晉安有九熟之稻郭義恭廣志曰蟬鳴稻七月
熟稻有蓋下白正月種五月熟穫其莖根復生九月
復熟青芋稻六月熟累子稻白漢稻七月熟此三種
大且長三枚長一寸半○榜葛刺木國田疇極美一
歲三收氣候常熟民功不惰安南國一年再稻○事

物紀原江淮間有稻粒稍細耐水旱而成實早作飯
差硬土人謂之占城禾野錄真宗聞占城稻耐旱遣
人以珍貨求其種播植于後苑

梁

梁似粟而大本草圖經梁有青梁黃梁白梁皆粟類
青梁殼穗有毛粒青米亦微青而細于黃白梁黃梁
穗大毛長穀米俱粗于白梁而收子少不耐水旱白
梁穗亦大毛多而長殼粗扁長不似粟圓諸梁食之
比他穀最益脾胃○廣志曰有貝梁解梁有遼東赤
梁○爾雅翼云今人大抵多種粟而少種梁以其損

言類卷之三
地力而收穫少耳然古無粟名則是以梁統粟梁比
他穀最益胃但性微寒其聲爲涼蓋是亦借涼音黍
从暑梁从凉其義一也禮記云祭宗廟之禮梁曰薌
其周禮食醬會膳食之宜則犬與梁相副犬味酸而
濕梁甘而微寒亦氣味相成也歲凶大夫無故不食
梁又喪禮沐尸君沐梁大夫沐稷士沐梁梁貴故君
用之士亦用者大夫近君則嫌于同士去君遠則不
嫌同也然士喪禮言沐稻故解者以沐梁爲天子之
士沐稻爲諸侯之士又以爲差次而上則天子當沐
黍至于飯含之米與飯餘之粥說者以士喪禮三者

文皆相續故以爲用米同然則君與士亦皆梁也○
本草青梁米味甘微寒益氣補中輕身長年白梁味
甘微寒主除熱益氣有襄陽竹根者最佳黃梁味甘
平主益氣和中止洩陶隱居云青梁出北方黃梁出
青翼白梁處處皆有左思魏都賦曰有雍丘之梁崔
駰七依曰玄山之梁梁今燕代間謂之梁穀關西謂
之毛穀白者曰芝麻梁一曰鵪鶉彈○通志云汜勝
之書云梁是秣粟今俗謂之梁古祭祀所用梁盛是
也可作粢食及釀酒亦如粳米或云梁亦有粳者○
雅翼云古不以粟爲穀名但米有孚殼者皆稱粟今

人以穀之最細而圓者爲粟則梁是其類古天子之飯有白梁黃梁者明取二種耳

藪

藪陸機疏云藪似栝樓葉盛而細其子正黑如燕冀不可食也幽州人謂之烏服其莖葉煮以哺牛除熱苦

苦疏正義曰苦菜此茶也陸機云苦菜生山田及澤中得霜恬脆而美所謂莖茶如飴內則云濡豚包苦用苦菜是也

楊

楊有青白黃赤四種青楊葉小而長白楊皮紅正白
葉大而圓其樹干霄廣志曰白楊一名高飛木葉大
于柳古詩所謂上葉拂青雲下根通黃泉是也古今
丘隴間多植之又古詩云鬼火燒白楊又曰白楊多
悲風蕭蕭愁殺人○山海經曰沃民之國有白柳亦
曰白楊又有赤楊霜降則葉赤材理亦赤黃楊木性
堅緻難長俗云歲長一寸閏年倒長一寸世重黃楊
以其無火或曰以水試之沉則無火取此木必于陰
晦夜無一星則伐之爲枕不裂詩之所指蓋白楊也
白楊性勁直堪爲屋材寧折終不曲撓○崔豹古今

注曰移楊圓葉弱蒂微風則大搖一名高飛一曰獨
搖蒲柳生水旁葉似青楊亦曰蒲移亦曰移柳亦曰
水楊卽蒲楊也支勁韌任大用○埤雅云楊之孚甲
早于衆木淮南子正月其木楊○按楊柳本二種然
相似而稱之易混爾雅云楊蒲柳卽本草之水楊也
崔正熊云葉似青楊青楊本出峽中爲牀臥之無蚤
又別一種非蒲柳也白楊株大葉圓如梨皮白多種
墟墓間黃楊葉細難長人家庭中多植以爲玩赤楊
霜降則赤又有移楊所謂唐棣之華也蒲柳一種又
有皮青皮紅之別亦名楊柳所謂楊柳依依是也凡

此皆楊之屬也本草柳華其葉狹長青綠枝條長嫩者又有杞爾雅所謂旄澤柳也有赤柳木爾雅所謂河柳也凡此皆柳之屬也然蒲柳亦曰蒲楊移楊亦曰移柳河柳亦曰小楊大抵二名常混陳藏器云江東通名楊柳北人都不言楊楊樹葉短柳樹葉長朱傳云楊柳之下垂者楊柳之楊起者說文曰柳小楊也欲知楊與柳之別者請以此三說參之

名物疏

條

條朱註山楸也爾雅云楸

音山楸

音疏山楸

一名楸

今之山楸也陸機疏云亦如下田楸耳皮葉白色材

言類
理好宜爲車板能濕又可爲棺木宜陽其北山多有之

梅

梅爾雅䟽孫炎云荊州曰梅揚州曰栴郭云似杏實
酢秦風云有條有梅也陸機云梅樹皮葉似豫樟豫
樟葉大如牛耳一頭尖赤心華赤黃子青不可食栴
葉大可三四葉一叢木理細緻于豫樟子赤者材堅
子白者材脆江南及新城上庸蜀皆多樟栴終南山
與上庸新城通故亦有栴也○按陸機所釋梅自是
栴木似豫章者豫章大樹所謂生七年而可知可以
爲棺舟者也陳文帝嘗出栴木造戰艦卽此栴也若

今之所謂梅廼古和羹之梅蘧實之乾篠郭璞云似杏實酢者也草木同名異種者甚多如山榎名條柚亦名條豈可以上文之條爲柚耶

苞櫟

爾雅櫟其實梲音求疏櫟似樗之木也梲盛實之房也孫炎曰櫟實櫟也郭云有梲彙自果陸機疏云秦人謂柞爲櫟河南人謂蓼爲櫟椒櫟之屬也

駁

駁樹皮青白遙視似駁故謂之駁六駁據所見而言也駁如馬倨牙食虎豹駁亦榆屬○毛詩義疏曰駁

駁馬梓注榆也駁犖遙視似駁馬○古今注云六駁
山中有木葉似豫章皮多癰駁

榧

爾雅云榧樺疏郭云今楊榧也實似梨而小酢可食
陸機云榧一名赤蘿一名山梨也一名鹿梨一名鼠
梨今人亦種之極有脆美者亦如梨之美其文細密
如羅故名赤羅又有白羅皆文本赤羅文棘白羅文
緩赤羅爲上○梁寅云子小酢可食

榆

榆之白色名枌先敷葉後著莢榆性扇地所扇各與

木等故其陰下五穀不植而古之人就以息焉

菽

爾雅云菽虻音浮疏菽一名虻郭云今荆葵也似葵紫赤色謝氏云小草多華少葉葉又翹起陸機云似蕪菁華紫綠色可食微苦是也○古今注云荆葵一名戎葵一名芘芘華似木槿而光色奪目有紅有紫有青有白有黃莖葉不殊但花色有異耳一曰蜀葵○羅氏曰荆葵比戎葵葉小花似五銖錢大色粉紅有紫紋縷之一名錦葵大抵似蘆花故陸氏云如蕪菁花釋草荇戎葵郭氏云今蜀葵又曰菽芘芘郭

氏曰今荆葵其所來各不同本草蜀葵中云小花者
名錦葵一名戎葵功用更強則以此雜之蜀葵中而
反得戎葵之名矣崔豹古今注其說戎葵蜀葵之狀
可也混荆葵芘芣之名于內非也然今人亦通呼此
爲蜀錦葵則從其類比附之耳○濮氏曰芘芣紫荆
春時開花葉未生花紫色自根及榦而上連接甚密
有甚蟻窠故爾雅名芘芣俗曰火蟻

紵

紵亦麻也科生數十莖宿根在地中至春自生不再
種也荆揚間一歲三收今官園種之歲再刈刈便生

剝之以鐵若石挾之表厚皮自脫但得其裏韌如筋者謂之微紵今南越紵布皆用此麻○周禮典臬掌布絲縷紵之麻草之物

菅

爾雅云白華野菅○郭璞曰菅茅屬○白華箋云人刈白華于野已漚名之爲菅○陸疏云菅似毛而滑澤無毛根下五寸中有白粉者柔韌宜爲索漚乃尤善矣○范氏曰菅以爲屨○濮氏曰左傳云雖有絲麻無棄菅蒯蒯與菅皆謂苕也黃華者俗名黃芒卽蒯也白華者俗名白芒卽菅也○周書曰成王時會

人獻以管○山海經云天帝之山其下多管○異物志云香管似茅而葉長大于茅不生澇下之地凡所蒸享必得此管包裹助調五味

苕

陸機云苕苕饒也幽州人謂之翹饒夏生莖如勞豆而細葉似蒺藜而青其莖葉綠色可生食如小豆藿也○詩緝云此苕苕苕也非小雅苕之華所謂陵苕苕

苕

吐綬鳥謂之錦帶功曹咽下有囊具五色卽所謂苕苕也苕本草名而紋似綬故字从鵠从草

升菴集爾雅

云鵲綬注小草有雜色似綬陸機云鵲五色作綬故云綬草

菡萏

埤雅云荷總名也其的中青爲蕙皆倒生兩牙一成芰荷一藕荷也又生一牙爲華藕荷貼水生藕者也芰荷無藕卷荷也與華偶生出水上亭亭如繖者亦或謂之距荷藕荷一本其支旁行爲藕節生一花一葉○字說云菡萏實若音音隨昏昕開闔○荷芙蓉又名芙蓉其莖茄其葉葭其本薔郭璞云薔莖下白藕在泥中者其花爲菡萏其實蓮亦謂房也其根

藕其中蒔蒔中慧蒔蓮實慧中心苦者也

升藕集

郭璞

云北方人便以藕爲荷江東人呼荷葉爲芙蓉蜀人以藕爲茄或用其母爲子花名或用其子爲母葉號此皆名字相亂習俗傳誤○廣雅芙蓉其根曰藕陸機云凡芙蓉行根如竹行鞭節生一葉一花花葉常偶生又善耕泥引長故謂之藕藕生應月月生一節遇閏則益一節○釋文曰未開曰蒔蒔已發曰芙蓉芙蓉花之號也通謂之芙渠○埤雅云秀曰蒔蒔○埤雅曰華○滇池有衣鉢蓮花盤千葉莖分三色其金池方數十里水在泥沙皆如金色其中有四足魚金

蓮花洲人研之如泥施之絲繪光輝燦爛與真金無異其釣仙池有一種蓮一歲兩結實有睡蓮浮于水面其色五種當夏晝開水上夜則縮入水底晝則復出儋州城南池中荷花四季常開臘月尤盛潤州有蓮花有佛坐花中形如雕刻始出原○古今注曰一名水且一名水芝一名澤芝一名水花花有赤白紅紫青黃○管子曰五沃之土生蓮○毛詩義疏曰的可磨以爲散如栗飯輕身益氣令人強健又可爲糜○援神契曰王者德至于地則華萃感注云華萃並頭蓮也○埤雅云字說曰藕藏于水其自處卑無所加

焉其所與汙潔白自若中有空焉不偶不生若此可以偶物矣而無枝附泥不能汚水不能沒挺出而立若此可以加物矣蓮既有以自白又會而屬焉若此可以連物矣菡萏矣若自隨昏昕闔闢焉遽假根以立而不如藕之有所偶假莖以出而不如茄之有所加假華以生而不如蓮之有所連萏蘭之有菡也若此可謂遐矣夫菡物者終于吐連物者終于散偶物者或析之加物亦不可爲常故遐在此不在彼也密退藏於無用而可用可見者本焉若此可謂密矣合此衆美則可以何物可以爲夫可以爲渠故曰荷芙

渠也荷以何物爲義故通于負荷之字○漢靈帝渠
水中蓮大如蓋其葉夜舒晝捲名夜舒荷漢宣帝林
池植分枝荷一莖四葉狀如輶蓋日照則葉低陰如
葵衛足又名低光荷○方物記蜀中有朝日蓮花色
或黃或白葉浮水上開則隨日所在日入輒歛藏紫
下若葵藿傾太陽也○拾遺記曰漢昭帝遊柳池有
芙蓉紫色大如斗花葉甘可食芬氣聞十里之內蓮
實如珠○華山記曰山頂有池池中生千葉蓮花服
之羽化因名華山

萇楚

爾雅云萇楚鉋弋

鉋音桃

二名一種也或曰鬼桃葉似

桃華白陸機疏云今羊桃是也葉長而狹華紫赤色其枝莖弱過一尺引蔓於草上今人以爲汲灌重而善沒不如楊柳也近下根刀切其皮著熱灰中脫之可韜筆管○埤雅云白華子如小麥其葉與實皆似桃故有桃之號一云有兩羊桃一種華實皆連理○本草羊桃一名羊腸一名御弋生山林川谷及生田野○陶隱居云子細小苦不堪噉花甚赤○蜀本圖經云葉花似桃子細如棗核多生溪澗今人呼爲細子根似牡丹○名物疏云羊桃必蔓於草上而鄭氏

云始生正直長大不妄尋蔓草木者誤也

苞稂

稂一名童梁陸機疏云禾秀爲穗而不成則疑然謂之董梁今人謂之宿田翁或謂之守田也外傳曰馬不過稂秀是也○郭璞云莠類○傳云稂非漑草得水而病○說文云禾粟之采生而不成者謂之董音童莠或从禾作稂○羅氏云稂惡草也古以飼馬魯仲孫它馬餼不過稂莠謂此也詩稱不稂不莠孔氏正義云稂莠苗既似禾實亦類粟鋤禾除非類莠既別是一物稂亦當是一物許亦重陸機以爲禾之不

成者則是亦禾而已何至與莠並稱乎按本草有狼
尾草子作黍食之令人不飢似茅作穗生澤地廣志
曰可作黍引爾雅孟狼尾今人呼爲狼茅子然則此
物似是稂耳稂既有實如黍故能亂苗又莠今謂之
狗尾草稂名狼尾則亦相似○按稂鄭破字作涼以
爲蕭蒿之類今未有草名涼者俱名物疏

著

著陸机云似籟蕭青色科生○本草云著實主益氣
充肌膚明目聰慧先知久服不飢不老圖經生少室
山谷今蔡州上蔡縣白龜祠旁其生如蒿作叢高五

六尺一本一二十莖至多者三五十莖生便條直異
於衆蒿秋後有花出於枝端紅紫色形如菊○易云
著之德圓而神聖人之作易也幽贊于神明而生著
○周官筮人上春相筮○洪範五行曰著之爲言耆
也百年一本生百莖此草木之壽亦知吉凶者聖人
以問鬼神○逸禮曰天子之著九尺諸侯七尺大夫
五尺士三尺○論衡云著生七十歲生一莖七百萬
生十莖神靈之物遲也○說原云草植三百六十著
爲之長○說文著蒿屬生千歲三百莖可以爲卜策
白虎通云此天地之間壽考物也故問之龜策傳曰

言類卷之五
三十八
著所生獸無虎狼草無毒螫上有壽著下有神龜又
曰著滿百莖者其下必有神龜守之其上常有青雲
覆之傳曰天下和平王道得而著莖長丈其叢生生
滿百其根是也今世取著八十莖長八尺卽難得矣
得六十莖長八尺卽可用○博物志云著一千歲而
三百莖其本以老故知吉凶著末大於本爲上吉莖
必沐浴齋潔食香每日望浴著必五浴之浴龜亦然
○傳玄賦云春邁德於青陽混百卉而萌生逮朱夏
而修茂暨商秋而堅貞雖離霜而未彫與潛龜乎通
靈

萋

傳云萋萋草也○箋夏小正四月王荇秀萋其是乎
物成自莠萋始○說文云詩曰四月秀萋劉向說此
味苦苦萋也○名物疏云按萋草毛公不云何物鄭
疑爲王荇蔡離月令章句曰荇草名生于陵月令四
月王瓜生鄭注云王瓜草挈也今月令云王荇生夏
小正云王荇秀未聞孰是呂覽孟夏王善生注云善
或作瓜瓠瓠也淮南子孟夏王瓜生注云王瓜本草
作茭萋音契然則鄭以王荇卽王瓜而又以王瓜爲茭
萋也呂覽淮南高誘一家之說而一以爲瓠瓠一以

爲茭莢考本草王瓜一名土瓜生魯地平澤田野及
人家垣牆間三月採陰乾圖經云葉似瓠瓢圓無叉
缺有刺如毛五月結黃花花下結子如彈丸生青熟
赤根似葛細而多糝均房間人呼爲菟瓜爾雅曰黃
菟瓜郭璞云似土瓜而土瓜自謂之鈎藤音姑蓋菟
瓜別是一種也予謂本草明言王瓜一名土瓜則二
物小異實一種耳王荳又是一物蔡邕生于陵本草
云生田中葉青刺人有實七月採陰乾且夏亦正云
王荳秀月令云王瓜生定非一也若枯樓自是果羸
之實茭莢自在少部中品之上陶隱居云鄭玄以王

瓜爲茭萋殊爲謬矣曹氏則以爲藥草之遠志據爾雅有云萋繞棘菴郭璞曰今遠志也似麻黃赤花葉銳而黃其上謂之小草本草云遠志味苦一名棘菴一名萋繞一名細草四月採根葉陰乾圖經云根黃色形如蒿苗名小草似麻黃而青又如華豆葉亦有似天青而小者三月開花白色泗州出者花紅根葉俱大于他處商州者根黑色曹氏以萋繞之名偶涉於萋又味苦合于劉向之說故定爲遠志嚴氏亦從之然不榮而實謂之秀遠恐有花則不得云秀矣且本草但言四月採根葉不云採實也或曰黍稷有華

亦可曰秀若然則秀是吐華萼繞花又以三月開不以四月曹氏所見未必果核若從鄭氏以爲王萼則實以七月採以爲王瓜則王瓜亦有花五月方開花下結子亦不得以四月秀也朱子闕而不說良亦有以唐山夫人歌云豐草萋萋注云萋盛貌或者詩泛言草有盛秀者乎

鬱

鬱一名車下李一名夫移一名萁李一名鬱梅禮記疏
○爾雅翼云鬱實大如李正赤食之甜五月時熟○
毛詩義問曰樹高五六尺

萸

萸爾雅作藿藿山韭卽韭之生山中者韓詩云六月食鬱及藿也恐非○萸俗謂燕郁○魏都賦云萸梅楊李若榴郁棣蓋萸是鬱類而小別卽萸李是也○本草云郁李一名鬱李一名車下李一名棣生高山川谷及丘陵上五六月採根陸機云唐棣萸李也一名雀梅亦曰車下李所在山谷皆有華或赤或白五月成實大如李子○爾雅翼云邠土務農所植皆百穀百蔬有益于民者若果蔬之屬唯瓜足以去時暑棗足以救歲乏故重而記之鬱萸等果不登于遵不

用于摯正爾食之何補飢渴似兒戲耳不若鬱菜及
萸之可以食賤老也○本草圖經云郁李木高五六
尺枝條葉花皆若李惟子小若櫻桃赤色而味甘酸
核隨子熟六月採根并實及核中仁用○名物疏云
按萸一名郁李一名萸李一名萸萸一名燕萸一名
棣一名鬱李一名車下李廣雅謂之萸舌與鬱俱棣
屬也故同得車下李之名陸機以唐棣爲萸李非也
而以爲實大如李則得之本草圖經謂萸李子如櫻
桃則似說常棣非郁李也郁李雖棣屬然非爾雅所
謂常棣唐棣也古之說者惟不知唐棣爲扶移木而

以爲萸又不知萸別是一種而以爲常棣故本草注
及詩緝諸說俱誤今由陸機崔豹鄭樵及本草諸說
參詳之始知其別如此魏王花木志云燕萸實如龍
眼黑色說文謂之萸萸詩䟽一名車鞅藤邠詩六月
食萸者此也廣志曰燕萸似梨早熟據此又非郁李
而二說亦相矛盾殆不足取證韓詩萸字又作藿是
爾雅所謂藿山韭者非毛詩之萸爾雅翼云山韭形
性與韭相類但根白葉如燈心苗

葵

葵之種類不一有丘葵廣雅曰藟丘葵也有胡葵廣

志曰其花紫赤有冬葵陶隱居曰以秋種葵覆養經
冬至春作子謂之冬葵本草圖經云苗葉作菜茹更
甘美管子曰桓公北伐山戎得冬葵布之天下是也
有蜀葵爾雅所謂葍戎葵者也郭璞云如木槿花戎
蜀蓋其所自因以名能自衛其足又名衛足葵花有
五色有紅者又號一丈紅又有黃蜀葵與蜀葵頗相
似葉尖狹多刻缺夏末開花淺黃色蕊心下作紫檀
色本草衍義云與蜀葵別種非爲蜀葵中黃者也有
錦葵花小葉圓有終葵一名落葵一名天葵一名繁
露一名承露一名藤葵爾雅所謂終葵繁露是也郭

璞云大莖小葉紫黃色陶隱居云人家多種之葉惟
可飪鮮子紫色女人以漬粉傅面爲假色俗呼爲胡
燕脂又名染薑子蜀本圖經云蔓生葉圓厚如杏葉
子如五味子生青熟黑所在有之食療云其子令人
面鮮華可愛取蒸烈日中曝乾揅去皮取仁細研和
白蜜傳之甚驗博物志云人食落葵爲狗所齧作瘡
則不瘡有龍葵本草唐本註云卽關河間謂之苦菜
者葉圓花白子若牛李子生青熟黑但堪煮食不任
生噉孟詵云其味苦揅去汁食之食醫心鏡云龍葵
作羹粥食之並得圓經云惟北方有之北人謂之苦

葵葉圓似排風而無毛有莧葵爾雅曰蒔菀葵郭璞
註云頗似葵而小劉禹錫所謂兔葵燕麥○廣志云
兔葵淪之可食本草唐本註云苗如龍芮葉光澤花
白似梅莖紫色煮汁可食有荊葵一名茈芡爾雅曰
苽蚘蚘是也郭璞註云似葵紫色陸機云似蕪菁華
紫綠色可食微苦有錢葵叢低又一種鮮妍可愛有
鳧葵馬融傳曰桂花鳧葵葉圓似蓴生水中一名水
葵有蒲葵可食葉似葵而大中作扇謝朓云蒲葵扇
中者捉之是也有露葵顏氏家訓云蔡朗父諱純遂
呼蓴菜爲露葵王維詩云松下清齋折露葵意謂帶

露之葵不指蓴菜葢蓴菜非輞川所有宋王諷賦云
烹露葵之羹曹植七啓云霜蓄露葵語並在蔡朗前
亦不指蓴菜有楚葵卽水中芹菜有澤葵卽葦苔鮑
昭蕪城賦澤葵依井是也齊民要術又有鴨脚葵紫
莖葵白莖葵春葵秋葵余按葵類雖多鮮不堪茹古
人重之故豳風七月烹葵周禮醢人饋食之豆其實
葵菹儀禮贊者一人執葵菹以授主婦公儀休食葵
而美魯監門女嬰謂馬佚食園葵歲利亡半魯漆室
女謂馬佚踐園葵使終歲不厭葵味崔寔云六月六
日可種葵中伏後可種冬葵九月作葵菹乾葵潘岳

開居賦菜則綠葵含露齊周顒荅王儉云綠葵紫蓼
荆楚歲時記云仲冬菜經霜蕪菁葵等雜菜乾之並
爲鹹菹齊民要術有種葵法甚詳又謂種葵三十畝
勝作十頃穀又爾雅翼云葵爲百菜之王味尤甘滑
今人絕不食此是以亦鮮種之不知何故余也葵霍
之姿意將訪諸老圃廣藝茲品以當梁肉出真珠船特牲
記云釧芼夏葵冬苴○天有十日葵與之終始故葵
從葵升菴集○圖經云葵有數種味甘寒無毒○臞仙
曰葵陽草也開花時其花自朝至暮隨日而轉古謂
之向日葵也俗謬以蜀葵黃葵向日非是蓋葵菜易

生郊野甚多不拘饒瘠之地有生牆上者亦茂塗陽
極廣稔年可濟饑饉○月令廣義按古人往往以葵
藿傾陽則葵爲菜花非玩花也神隱之說爲是○小
滿初候吳葵華古月令也今文則苦菜秀○月令廣
義葵有紫莖白莖二種春必畦種水澆而冬種者有
雪勿令從風飛去每雪必勞之令地澤不蟲拍必待
露所收必待霜降傷晚則黃爛傷早則黑澁○水葵
莖甚淡三月至八月細如釵股名懸葵九月至十月
漸粗在泥中者曰龜葵春末夏初有莖未葉名雉尊
一名茆○陳葵子微炒令爆啞散著熱地中遍踏之

朝種暮生遠不過宿○師曠占曰欲知牛馬貴賤秋
葵下小葵生牛馬貴大葵不蟲牛馬賤

菽

菽物理論曰菽者衆豆之總名○張揖廣雅曰大豆
菽也小豆荅也𧀮豆豌豆𧀮豆也胡豆豨豆也豆角
謂之莢其葉謂之藿也巴菽巴豆也說文箕豆莖○
廣志曰種小豆一歲三熟味甘白豆粗大可食刺豆
亦可食𧀮豆苗似小豆紫華可爲𧀮生朱提建寧胡
豆有青者黃者○呂氏春秋曰得時之菽長莖而短
足其莢二七以爲族多枝數節兢葉蕃實大菽則圓

小菽則博以方稱之重食之息以香如此者不重先
時者必長以蔓浮葉踈節小莢不實後時者短莖踈
節本虛不實○春秋佐助期曰豆神爲靈趙長七尺
大目通于時節○荏菽戎菽也箋云大豆也○援神
契云赤土宜菽○汜勝之云三月榆莢雨時高田可
種大豆保歲易爲宜古之所備凶年也大豆生戴甲
而出種土不可厚厚則項折不能長遶夏至後二十
日尚可種小豆不保歲難得宜樞黑時種○草木子
云豆以二七爲候粟累十二爲寸○雅翼云羞邊之
實餽餌粉餐皆稻米黍米所爲以其黏着故擣粉熬

大豆以爲表○春秋說題菽者屬也春生秋熟理通
體屬也菽赤黑陰生陽大體應節小變象陽色也○
格物論云菽大豆也左傳隕霜殺菽益菽最難殺者
殺菽知草皆死菽之小者名藿又曰藿者菽之葉也
子路食藿負米○王子年拾遺記曰東極之東有傾
離豆見日則傾葉食者歷歲不飢豆莖皆大若指而
綠一莖爛熳數畝

棗

棗園有棘朱註棘棗之短者埤雅云大者棗小者棘
棗性重喬棘則低矣故制字如此本草注棘有赤白

二種小棗也叢高三四尺花葉莖實俱似棗也○禮記婦人之贊脯修棗栗又曰棗曰新之又曰棗栗飴蜜以甘之○爾雅有壺棗今江東呼棗大而銳上者爲壺壺猶瓠也邊要棗細腰今謂之鹿盧棗齊白棗卽今棗子白乃熟楓棘棗樹小實酢所謂酸棗是也楊徹齊棗註未詳遵羊棗實小而圓紫黑色洗大棗今河東猗氏縣出大棗子如雞卵煑填棗註未詳蹶洩苦棗子味苦皆無實棗不着子者還味捻棗還味短味也○棗李曰庵之孫炎曰庵去其祗○本草曰凡棗九月採日乾補中益氣久服神仙○周禮饋食

之遊其實棗○岐峰棗樹高百尋枝莖皆空百歲一

實長尺核細而柔

見拾遺記

○上林苑中有玉門棗

見西京雜

記

○廣志曰西王母棗三月熟在衆果之先穀城紫

棗長二寸梁國夫人棗大白棗名曰蹇咨小核多肌
三皇棗駢白棗灌棗獲此四者官園所種又有雞心
狗牙獼猴細腰羊角之名又有互棗大棗崎廉棗桂
棗夕棗之名○述異記北方有七尺棗棗實未熟雖
擊不落已熟則爛不擊自墮故齊民要術所謂全赤
卽收收法撼而落之爲上是也夏小正曰剝棗栗零
剝也者取也零也者降也零而後取之世云噉棗令

人齒黃養生論曰齒居晉而黃晉齒食此故也○青
史子云棗北方之草冬木也○本草云大棗味甘平
主心腹邪氣安中養脾助十二經平胃氣通九竅補
少氣少津液和百藥久服輕身不老八月採暴乾圖
經云棗極美者有水菱棗御棗之類羅氏云棗有十
一名郭氏得九焉後世有紫棗玄棗西王母棗東海
蒸棗洛陽夏白其名不可勝載淮南子十一月棗棗
取其赤心

瓜

許慎說文曰瓜象形也辨瓜實也大戴禮曰五月乃

瓜乃瓜者急瓜之辭也瓜也者始食瓜八月剝瓜蓄

瓜時也○禮記曰瓜祭上環食中棄所操上環也祭

法曰夏祠秋祠皆用瓜○廣雅曰冬瓜莖音也水芝

瓜也其子謂之𦰩○廣志瓜之所出以遼東廬江燉

煌之種爲美有烏瓜魚瓜無餘瓜白𦰩瓜桂支瓜綠

瓜狸頭瓜蜜筩瓜女臂瓜虎掌瓜兔頭瓜龍蹄瓜羊

骹瓜大如斛出涼州舊陽城瓜州大瓜如斛御瓜也

有青登瓜有拄杖瓜長二尺餘蜀地溫有秋泉瓜秋

種冬熟有春日瓜冬種春熟○洞冥記有龍肝瓜長

一尺花紅葉素生于冰谷所謂冰谷素葉瓜○瀛涯

勝覽韎韠國西瓜一枚用二人舉之○月令五月黃瓜生黃瓜一名土瓜一名落蟪瓜今藥中所用也○朱炎山上有靈瓜王母謂元夫人曰造朱炎山陵食瓜其味甚美○菜瓜昏人目驢馬食之卽時目爛○李沉則熟瓜浮則甘○山海經積石有瓜一歲三熟○周禮地官曰委人掌畜聚物瓜瓠芋葵禮記云爲天子削瓜者副之巾以絺爲國君華之巾以綌爲大夫累之士壺之庶人斲之又云天子樹瓜華不歛藏之種也又云仲冬行秋令則天雨汁瓜瓠不成○龍魚河圖曰瓜有兩鼻者殺人○莊子曰朽瓜化爲魚

言絲美也。○埤雅云瓜字象其實在鬚蔓之間性少
延輒腐性惡香尤忌聞麝氣觸之乃至一蒂不收
又云瓜祭上環舊說其付謂之環環瓜之脫華處也
其當謂之蒂蒂瓜之繫蔓處也蒂味小苦墨子曰甘
瓜苦蒂天下物無全美也○本草瓜蒂七月採圖經
云卽甜瓜蒂也又有白瓜越瓜胡瓜○博物志曰人
以冷水自漬至膝可頻噉數十枚瓜漬至腰啖轉多
至頸可啖百餘枚所漬水皆作瓜氣瓜味○李融爲
政得吏人有祥瓜生六子而其一蒂

壺

壺傳云壺瓠也○埤雅云似匏而圓曰壺亦曰壺盧
盧圓器也古今注曰壺盧瓠之無柄者也壺性善浮
要之可以涉水南人謂之要舟又可爲樽春秋傳曰
樽以魯壺司尊彘曰秋嘗冬蒸饋獻用兩壺尊鵬冠
子曰賤生於無所用中流失船一壺千金以此壺性
蔓生披蔓斬之故曰斷壺其收法八月冷露降輒先
斷其根令其餘蔓飲之已日乃收充堅成可用

苴

苴喪服注云苴麻之有實者○疏云麻九月初熟拾
取以供羹菜○本草經云麻子味甘平主補中益氣

詩經卷之六
久服肥健不老○月令仲秋食麻與犬孟冬天子以
犬嘗麻

樗

樗惠子曰吾有大樹人謂之樗其本擁腫不中繩小
枝拳曲不中規矩至于逢匠者不顧○陸機疏云樗
樹及皮皆似漆青色其葉臭○本草圖經云椿樗二
木相似但椿木實而葉香可噉樗木踈而氣臭膳夫
亦能熬去其氣北人呼樗爲山椿江東呼爲虎目葉
脫去有痕如樗蒲子又如眼目故得此名衍義云世
以無花不實木身大其幹端直者爲椿其有花而焚

大身小幹多迂矮者爲樗

重樛

說文重先種後熟也。稊疾熟也。稊或从麥。○周禮內宰上春詔王后生種。稊之種。鄭司農云先種後熟謂之種。後種先熟謂之稊。玄謂詩云黍稷種稊是也。賈公彥云先鄭直云先種後種不見穀名。後鄭意黍稷皆有種。稊又云舍人以歲時縣種稊之種。以共王后之春獻種。司稼辨種稊之種。

百穀

周官曰職方氏掌天下之圖辨邦國都鄙九穀之數

揚州荊州其穀宜稻豫州并州宜五穀青州宜稻麥
兗州宜四種黍稷稻麥雍州冀州宜黍稷幽州宜三
種黍稷稻○月令五時食穀春麥夏菽季夏稷秋麻
冬黍孟秋農乃登穀內則牛宜稌羊宜黍豕宜稷犬
宜粱鴈宜麥魚宜苽○漢食貨志五種注麻金黍火
稷土麥水豆木○大戴禮云食氣者神明而壽食穀
者知慧而巧○穀梁傳云一穀不升謂之歉二穀不
升謂之飢三穀不升謂之饑四穀不升謂之康五穀
不升謂之大侵百穀說者云三穀各二十種爲六十
種蔬果各二十種共爲百穀三穀者曰梁者黍稷之

總名稻者漑種之總名菽者衆豆之總名蔬熟可以
助食儉歲可以救飢果熟可食乾之可爲糧豐歉皆
可充飢二者輔穀之不及故總曰百穀物理論周禮三
農主九穀先鄭云黍稷秫稻麻大小豆雜俎九穀黍稷稻
子九穀禾稷麻麥稻粱苽大小豆雜俎九穀黍稷稻
粱三豆二麥六穀周禮注稌黍稷粱麥苽苽雕胡也
五穀麻黍稷麥豆穀注禾麻粟麥豆又有所謂八穀
者卽詩所云黍稷稻粱禾麻菽麥也

韭

韭說文云一種而久故云韭諺云韭懶人菜以不須

歲種也又利病人可久食字象形在一之上一地也

○禮記謂韭曰葍呂氏春秋曰堯時天降精爲韭爾雅疏俗呼韭根爲葍凡草根一名葍也○禮祭宗廟

韭曰豐本其本豐則其末殺矣葍難之美在白韭之

美在黃皆惡其末之盛也

難音

○齊民要術曰韭高

三寸便翦初種之歲止一剪又曰剪如葱法一歲之

中不過五剪凡剪不用日中故諺曰觸露不掐葵日

中不剪韭也韭性內生根喜上跳故種與葵同法而

畦欲極深內則曰膾春用葱秋用芥豚春用韭秋用

蓼葱與芥陰物也韭與蓼陽物也傳曰政道得則陰

物變爲陽物鄭玄云若葱爲韭是也或曰老韭爲莧
○爾雅藿山韭藿音育○有水韭生于池塘中葉似韭
有二三尺者五六月堪食不葷而脆宇林云菴水中
野韭也○本草云韭辛溫歸心安五藏除胃中熱

果羸

果羸朱註栝樓也此出爾雅果羸之實栝樓註實卽
子也故李巡云栝樓子名也郭云今齊人謂之天瓜
本草云葉似瓜葉形兩兩相值蔓延青黑色六月華
七月實如瓜瓣是也○本草經云栝樓根一名地樓
一名果羸一名天瓜一名澤姑實名黃瓜主胸痺悅

澤人面圖經云根亦名白藥皮黃肉白三四月內生
苗引藤蔓葉如甜瓜葉作叉有細毛七月開花似葫
蘆花淺黃色實在花下大如拳生青至九月熟赤黃
色有正圓者有銳而長者

苹

苹爾雅云蘋蒿也葉青白色莖似箸而輕肥始生者
香可生食蒸𦔷爲蔬香美○盧氏雜說云唐文宗問
宰臣苹是何草李珣曰是蘋蕭上曰朕看毛詩疏苹
葉圓而花白叢生野中似非蘋蕭今詩疏又不如是
○毛傳苹萍也箋作蘋蒿以萍非野所生非鹿所食

也或云古人以水草之交爲麋則麋鹿亦食水草

蒿

陸機云蒿青蒿也荆豫之間汝南汝陰皆云蒿

去声切

孫炎云荆楚之間謂蒿爲藪郭云今人呼青蒿香中
炙啖者爲藪是也○晏子曰蒿草之高者也○爾雅
曰繁之醜秋爲蒿蓋繁之類至秋則高大矣故通呼
爲蒿也蒿之類至多如青蒿一類自有兩種有黃色
者有青色者陝西綏銀之間有青蒿在蒿叢之間時
有一兩株迥然青色土人謂之香蒿莖葉與常蒿悉
同但比常蒿色青翠一如松檜之色至深秋餘蒿並

黃此蒿愈青氣稍芬香○莊子稱今之君子蒿目而
憂世之患今蒿細弱而陰潤最易棲塵故以比蒿目
○本草云少蒿一名青蒿一名方潰生華陰川澤○
圖經云葉似茵陳蒿而背不白春生苗葉極細嫩時
人亦食雜諸香菜食之至夏高四五尺秋後開細淡
黃花花下便結子如粟米大衍義云根赤葉香○名
物疏云按爾雅繁之醜秋爲蒿則所謂蒿者不專爲
青蒿矣爾雅繁蒿蔚蓍莪藹蕭七種毛詩俱有之本
草有茵陳蒿邪蒿同蒿三種詩中不見皆蒿屬

芩

芩亦香草○傳芩草也說文云蒿也陸機云莖如釵股葉如竹蔓生澤中下地鹹處爲草真實牛馬亦喜食之

杞

杞詩緝云詩有三杞將仲子無折我樹杞柳屬也有臺南山有杞湛露在彼杞棘山木也此詩集于苞杞杖杜北山言采其杞四月隰有苞杞枸杞也○爾雅云杞枸櫬注今枸杞也○廣雅云地筋枸杞○陸機云一名苦杞一名地骨春生作羹茹微苦其莖似葍子秋熟正赤莖葉及子服之輕身益氣○本草云枸

枸杞味甘寒久服堅筋骨輕身不老一名杞根一名地
骨一名枸杞又名地輔羊乳脚暑仙人杖西王母杖
生常山平澤及諸丘陵阪岸冬採根春夏採葉秋採
莖實○抱朴子云家菜一名托盧或名天精卻老地
骨○日華子云地仙苗卽枸杞○圖經云春生苗葉
如石榴葉而軟薄堪食俗呼爲甜菜莖幹高三五尺
作叢六七月生小紅紫花隨結紅實形微長如棗核
其根名地骨與枸棘相類其實形長而枝無刺者眞
枸杞也圓而有刺者枸棘也世傳蓬萊縣南丘村多
枸杞一二丈其根盤結甚固鄉人多壽考亦飲食其

水上使然耳○沈存中云陝西極邊生枸杞高丈餘大可作柱葉長數寸無刺根皮如厚朴甘美異于諸處實圓如櫻桃全少核暴乾如餅極膏潤有味○寇氏衍義云凡杞未有無刺者但此物小則多刺大則少刺如酸棗及棘其實一也後人分別杞棘強生名耳

常棣

常棣爾雅云常棣棣陸機云白棣樹也如李而小如櫻桃正白華萼上承下覆甚相親爾棣从棣言華萼相承輝榮相棣也今官園種之又有赤棣樹亦似白棣葉如刺榆而微圓子正赤如郁李而小五月始熟

自關西天水隴西多有之○郭云今山中有棣樹子如櫻桃可食○程子曰常棣今所謂玉李華萼相承甚力則唐棣與常棣似非二種李氏云何彼穠矣之唐棣爾雅所謂移此常棣與采薇惟常之華爾雅以爲棣

松

說文云松木也從木公聲古文榕從木容聲○列仙傳曰松者橫也時受服者皆至三百歲○急就篇注云松有黃赤白三種松有兩鬣三鬣者言如馬鬣形也○廬山記石門巖卽松林也南臨石門澗澗中仰視之離離如駢麀尾號麀尾松西嶺松如馬鬣又葉

五粒者名五粒松服之長生○李賀有五粒小松歌
新香幾粒洪崖飯○草木子今言松五粒兩粒粒當
言鬣五鬣松皮不鱗松命根遇石則偃蓋不必千年
也俗謂孔雀五鬣松也○花木攷云松有二種惟五
葉者結子○王逸子曰木有扶衆梧桐松柏皆受氣
淳矣異于羣類者也○國語曰松柏之地其土不肥
○神仙傳云松栢脂入地千年化爲茯苓茯苓化爲
琥珀琥珀一名江珠今泰山出茯苓而無琥珀益州
永昌出琥珀而無茯苓未詳何故○博物志松脂一
名松膏一名松肪松花一名松黃○玉策記曰千載

松樹枝葉四邊披起上杪不長望而視之有如偃蓋
其中有物或如青牛或如青犬或如人皆壽萬歲○
郭氏玄中記曰松脂淪入地中千歲爲茯苓○千年
松香聞于十里亦謂之十里香述異記○抱璞子曰松
之三千歲者其皮中有聚脂狀如龍形名曰飛節芝
○廣志曰千歲老松子色黃白味似栗可食本草曰
松脂出隴西如膠者善○夢書曰松爲人君夢見松
者見人君也○列仙傳曰仇生赤當湯時爲木正當
食松脂自作石室周武王祠之又曰偃佺好食松實
能飛行速如走馬以松子遺堯堯不能服

臺

臺爾雅云夫須陸機云夫須莎草也可以爲簾笠禦雨疏而無溫故莎从沙或云臺草有皮堅細滑緻可爲簾笠南山多有○纂文曰臺一名山莎○本草香附子卽莎草根生田野二月八月採圖經云香附子交州者大如棗近道者如杏仁苗莖葉都似三稜根者附子周币多毛今近道生者苗葉如薤而瘦根如筋頭大

萊

傳云萊草名正義曰十月之交云田卒污萊又周禮

云萊五十畝萊爲草之總名非有別草名之爲萊○
陸機疏云萊草名其葉可食今兗州烝以爲茹謂之
萊烝○萊原始云卽梨也一名落帚初生葉可食大
則爲樹可爲杖

杞

杞陸機云一名狗骨山其樹如樗理白而滑可以爲
函及檢板其子爲木蠹可合藥○曹氏云梓杞也

枸

枸疏云枳椇樹似白楊子著枝端噉之其美謂之木
蜜能令酒味薄以爲屋柱一屋之酒皆薄○廣志曰

枳椇子似珊瑚樹乾者益美○正義云枸釋木無文
宋玉賦曰枳椇來巢則枸木多枝而曲所以來巢也
陸機疏云枸樹高大似白楊有子著枝端大如指長
數寸噉之甘美如飴八月熟今官園種之○本草云
枳椇味甘平一名木蜜其木皮溫唐本注云其樹徑
尺葉如棗柘其子作房似珊瑚核在其端人皆食之
○古今注云枳椇子一名樹蜜一名木飴實形拳曲
核在實外亦名白石白實木實木石○廣志云葉似
蒲柳子十一月熟○雅翼云古者人君燕食所加庶
羞凡三十一物其果則有菱椇棗栗榛柿瓜桃李梅

杏楂

反側加

梨又婦人之贊相榛棗栗荆楚之俗亦監

藏荷裹以爲冬儲今不以爲重賤者食之而已

梗

梗鼠梓也爾雅疏郭云楸屬也今江東有虎梓○陸
機疏云其樹葉木理如楸山楸之異者今人謂之苦
楸是也○曹氏云宮室之良材

莧

莧原始云蒿屬科生田澤沮洳處葉似斜蒿而細三
月莖可生食又可烝香美味似萋蒿或云卽繁也始
生曰莧爾雅云莧蘿註今莧蒿也亦曰蘼蒿蘼之爲

言高也舍人云莧一名蘿莧一名角莧○本草唐注云葉似白蒿花如瞿麥紅赤可愛子似王不留行黑色作角七月八月採蜀本圖經云葉似蛇床青蒿等子角似蔓青實黑秋熟所在皆有之陳藏器云蘿莧生高岡宿根先于百草○衍義云角蒿莖葉如青蒿開淡黃紫花花大約徑三四分花罷結子長二寸許微灣○名物疏云陸機以爲生澤田陳藏器以爲生高岡今以詩文証之陵阿則高地也沚則水中也然則澤田高岡俱有莧矣

芭

芭毛傳曰菜也陸疏云芭菜似苦菜莖青白色摘其
葉白汁出肥可生食亦可炆爲茹青州人謂之芭西
河雁門芭尤美胡人戀之不出塞是也○朱傳云卽
今苦蕒菜宜馬食軍行采之人馬皆可食也○本草
云野苦蕒五六回拗後味甘滑于家苦蕒

藿

藿原始云香草也一云菽之小者可作蔬○公食禮
云鉶芼牛藿注藿豆葉也

穀

穀惡木也而取名于穀者穀善也惡木謂之穀卽甘

草謂之大苦之類也本草曰楮一名穀陶氏云卽今
構木誤矣先賢以爲皮斑者是楮皮白者是穀有辨
者曰楮無辨者曰構按此非一種物類相感志云其
膠可以團丹砂語曰構膠爲金石之漆是也○陸疏
云幽州人謂之穀桑荆揚交廣謂之穀中州人謂之
楮殷中宗時桑穀共生是也今江南人績其皮以爲
布又擣以爲紙謂之穀皮紙潔自光澤其裏甚好葉
初生可爲茹○管子云五沃之土其柞可穀○酉陽
雜俎云構穀田久廢必生構○本草圖經云楮有二
種一種皮有斑花又謂之斑穀今人用爲冠一種皮

無花但葉似葡萄作瓣而有子者爲佳其實初夏生如彈丸青綠色至六七月漸深紅色乃成熟八月九月採○抱璞子云楮實赤者餌之一年老者還少○物類相感志云其膠可團丹砂○埤雅云楮宜澗谷○雅翼云穀惡木易生實如楊梅而無核

粟

粟說文云嘉穀實粟之爲言續也○周禮云倉人掌粟入之藏春秋說題詞云粟助陽扶性一變而以陽生爲苗二變而秀爲禾三變而粲然謂之粟四變入臼米出甲五變而蒸飯可食陽以一定爲法故粟積

一大分穗長一寸西者金所立米者陽精故西字合
米而爲粟○呂氏春秋曰飯之美者不周之粟○羅
氏云古不以粟爲穀之名但米之有孚殼者皆稱粟
今人以穀之最細而圓者爲粟則梁是其類○仁山
金氏云呂氏書說有穀曰粟無殼曰米按粟卽所謂
穀也古人米與穀無積米切用而易腐穀氣全而可
久緩急兼儲後世軍儲獨以米故久卽不可食○本
草粟米味醢主養腎氣去脾胃中熱益氣陳者味苦
主胃熱消渴利小便唐本注云粟類多種而並細干
諸梁北土常食與梁有別

遂

傳云遂惡菜也○箋云牛薺也亦仲春時可採也○

遂原始云卽馬尾草也亦可作蔬爾雅云遂薺

他全反

馬尾註廣雅曰馬尾薺陸本草云別名薺今關西亦

呼爲薺江東爲當陸一名薺根一名夜呼一名白昌

不同者所見本異也爾雅又云藟牛薺藟

土回藟切

註今江東呼草爲牛薺者高尺餘許方莖葉長而銳

有穗穗間有華華紫縹色可淋以爲飲疏縹青白色

淋以水沃也陸機云今人謂之羊蹄似蘆菔而葉長

赤鬚爲茹滑美本草羊蹄一名東方宿一名連虫陸

一名鬼目一名菑隱居云今人呼禿菜卽菑音之訛
詩云言采其菑圖經云生下濕地春生苗高三四尺
葉狹長頗似蒿苣而色深莖節間紫赤花青白成穗
子三稜若茺蔚夏中卽枯根似牛蒡而堅實衍義云
葉如菜中菠蔕但無岐而色差青白葉厚花與子亦
相似○孫炎注爾雅卽車前草然本草有五名並不
云牛蒡

菑

箋云菑亦仲春時生可采○原始云俗名老鴉蒜昔
生于燕地今隨處有之河內謂之菑幽州謂之菑菑

一名蕒凶歲可蒸以禦饑爾雅云菑當註大葉白華
根如指正白可啖著熟灰中溫啖之爾雅又云菑蕒
茅註華有赤者爲蕒蕒菑一種耳亦猶蔞苕華黃白
異名○廣雅云烏楚菑也或云菑花葉有兩種一種
葉細而花赤一種葉大而花白復香○風土記云菑
蔓生被樹而升紫黃色大如牛角二三同蒂長七八
尺甜味如蜜○名物疏云按陸機所言花赤者卽是
蕒茅也風土記所云恐別是一物遂菑毛公並謂之
惡菜然遂堪入藥用菑花白而香根可茹未必惡菜
也

莞

爾雅葍

方寐切

鼠莞註纖細似龍鬚可爲蓆蜀中出葍

莞屬一名鼠莞又云莞苻離其上蒿䟽本草云白蒲一名苻離楚謂之莞蒲其上臺別名蒿鄭箋云莞小蒲也以莞蒲一草之名而司几筵有莞筵蒲筵則有大小之異爲蓆有精有粗故得爲兩種蓆也○釋文云草叢生水中莖圓江南以爲蓆形似小蒲而實非也○廣雅曰苻蒲莞也○箋云莞小蒲蓆○濮氏曰莞又云燈心草生池澤中卽苻離也○本草云燈心草叢生莖圓細而長直人將爲蓆

蔚

蔚朱註云牡蒿也此出爾雅註云蔚卽蒿之雄無子者故曰牡蒿陸機云牡蒿也一名馬新蒿蒿一名蒿音僅郭氏曰牡蒿三月始生七月華華似胡麻花而紫赤八月爲角角似小豆銳而長言無子者蓋今青蒿葉端皆作子如米大蔚獨無耳○本草馬先蒿陶隱居云一名爛石草唐本注云葉如茺蔚紅白色實八月九月熟俗謂之虎麻茺蔚苗短小子夏中熟而初生二種極相似○陸佃云蔚大于蒿○名物疏云按爾雅藜之醜秋爲蒿蔚卽蒿之大者莪莖可生食蒸

食香美至秋則變爲蒿蔚矣故以喻父母生子以爲
美材而卒不得終養也朱子此解勝于舊注但莪美
菜蒿賤草之訓似以爲二物蔚古人皆以爲無子故
曰牡蒿而本草注云八九月有實圖經云入藥當用
有子者爲正未知何以矛盾

楸

爾雅楸赤楸白者楸疏楸赤者名楸白者卽白楸
切郭璞曰赤楸樹葉細而岐銳皮理錯戾好叢生山
中中爲車輞白者葉圓而岐爲大木也陸機云楸葉
如柞皮薄而白其木理赤者爲舜楸一名楸白者爲

棟木皆堅韌今人以爲車轂

蔦

蔦爾雅云寓木宛童郭云寄生樹一名蔦陸機云葉似當盧子如覆盆子赤黑恬美○本草云桑上寄生其實明目輕身通神一名寄屑一名寓木一名宛童一名蔦生弘農川谷棠樹上三月三日採莖葉陰乾陶隱居云棠上者名棠上寄生爾詩云施于松上方家亦用楊楓上者各隨其樹名之生樹枝間寄根在皮節之內葉圓青赤厚澤易折旁自生枝節冬夏生四月花白五月實赤大如小豆蘇恭云此多生櫟樺

柳木楊楓等樹上子黃大如小棗實九月始熟陶說
非也圖經云寄生云是烏鳥食物子落枝節間感氣
而生葉似橘而厚軟莖似槐皮而肥脆三四月開花
黃白色六七月結實黃色如小豆

女蘿

女蘿毛公云菟絲松蘿也○陸機云元絲蔓連草上
黃赤如金今合藥菟絲子是也非松蘿松蘿自蔓松
上生枝正青與兔絲殊異○本草云松蘿一名女蘿
生熊耳山川谷松樹上五月採○藥性論云松蘿能
治寒熱吐客痰○名物疏云按菟絲名女蘿爾雅所

云是也松蘿一名女蘿博雅及本草所云是也古詩云與君爲新婚兔絲附女蘿李善云二者異草毛公誤合爲一此詩女蘿施松自是松蘿耳與兔絲了無涉什文云在草曰兔絲在木曰女蘿亦非蓋兔絲亦蔓延于木也

柞

爾雅曰柞杼柞也疏云柞今作殼爲斗可以染皂今俗及河內云杼斗或椽斗

芹

本草水芹味甘平主養精保血脉益氣令人肥健嗜

食一名水英芹有兩種青芹取根白色赤芹取莖葉
並堪作菹○孟說云水芹置酒漿中香美高田者名
白芹○呂氏春秋曰菜之美者雲夢之芹○埤雅云
芹潔白而有節其氣芬芳而味不如蓴美故列子以
爲客獻芹者鄉豪取而嘗之音哲口慘腹○爾雅云
芹楚葵俗呼水芹菜一名水英葉似芎藭根赤白色
花白色而無實○爾雅翼云水芹二月三月作莢時
可作菹及熟燻食之又有渣芹可生噉○周禮醢人
嘉豆之實用水草則有芹菹溪蒲其朝事之豆則有
昌本菹菹禮記曰常豆之菹水草之和氣也嘉豆陸

產也其醢水物也○芹或曰不如高田者宜人高田者多白芹今舒蘄多用之故蘄蛇用于世者體皆作此物香蓋所嗜云土人名爲水白芷或曰蘄之爲蘄以有芹也蘄卽芹亦有祈音

稗

稗稗似苗但其莖有毛北人呼爲烏禾有二種一黃白一紫黑今人不甚重惟祠事用之農家種之以防五穀之不熟

綠

綠一名王芻爾雅菰蓐也今呼鴨腳莎一云鹿蓐

藍

蘇恭云藍實有三種一種圓徑三寸許厚三四分出
嶺南名木藍子菰藍堪切爲澱本草經所用乃是蓼
藍實其苗似蓼而味不辛者菰藍惟堪染青蓼藍不
堪爲澱惟作碧色○圖經云藍實人家蔬圃中作畦
種時三四月生苗高二三尺葉似水蓼花紅白色實
亦若蓼子而大黑色五六月採實卽蓼藍也菰藍爾
雅所謂馬藍又福州有一種烏藍四時皆有江寧有
吳藍二三月生如蒿葉青花白○爾雅曰葍馬藍染
草也卽今大葉冬藍爲澱者是六月可種冬藍冬藍

木藍也八月用染○禮記月令曰仲夏令民無刈藍
鄭氏云爲傷長氣然則刈藍于夏先王之法禁焉藍
于草中獨有禁故字从監○孫卿曰青出於藍而青
于藍○秦子曰嘗聞作人當如園圃之藍不異衆草
染而後朗然不如唐棣之華灼自顯○齊民要術以
爲種藍一同葵法藍三葉澆之罽治令淨五月新雨
之後卽拔栽之故夏小正五月菑藍灌沐藍蓼灌澆
灌也沐剝沐也○崔寔曰榆莢落時可種藍五月可
刈藍○趙岐邠卿道經陳畬此境人皆以種藍染紉
爲業藍田彌望黍稷不殖慨其遺本遂作賦一章其

藍賦有曰同丘中之有麻似麥秀之油油○續漢書
曰楊震種植藍以供食母諸生嘗有助種藍者輒拔
更種以拒其後○習鑿齒與謝侍中書云此有紅藍
足下知之否北方人採取其花染緋黃摘其上英鮮
者作煙支婦人裝時用作頰色

出北戶錄

白華

爾雅白華野菅注白華一名野菅陸機云菅似茅而
滑澤無毛根下五寸中有白粉者柔韌宜爲索漚乃
尤善矣郭云菅茅屬白華亦茅類也異其名謂之爲
菅○埤雅曰已漚爲菅未漚人功故曰野菅

茗

茗一名陵茗本草一名陵時舍人曰黃華名慕白花
名茝音沛陸機疏云一名鼠尾生下濕水中七八月中
華紫似今紫草可染皂煮以沐髮卽黑鄭箋云陵茗
之華紫赤而繁陸機亦言其華紫色而此言黃白者
就紫色之中有黃紫白紫耳及其將落則全變爲黃
爾雅翼云今凌霄花是也蔓生喬木上極木所至開
花其端鄭箋所謂紫赤而繁花衰則黃蓋非也是物
雖名紫葳而華不紫又或以瞿麥根爲紫葳瞿麥花
紅亦非此類然則芸其黃者正自花開之色耳此華

亦彌絡石壁盛夏如錦繡不可仰望露滴目中有失明者

瓜瓞

爾雅瓞角切其紹步切族角切註俗呼瓞瓜爲族紹者瓜蔓緒亦著子但小如瓞角切疏族一名瓞小瓜也紹繼也瓜之蔓緒紹先歲之瓜必小亦名族故云紹族舍人曰族名瓞小瓜也紹繼謂族子漢中小瓜曰族孫炎曰族小瓜子如瓞其本子小紹先歲之瓜曰族然則瓜之族類本有二種大者曰瓜小者曰族此則其種別也而瓜蔓瓜本之瓜必小于先歲之大瓜以其小如

的故謂之舛舛是舛之別名

莖

朱傳云莖烏頭也○廣雅云附子一歲爲煎子

音側二

歲爲烏喙三歲爲附子四歲爲烏頭五歲爲天雄○

本草云冬月採爲附春採爲烏頭烏頭味辛甘溫大

熱有大毒一名奚毒一名卽子一名烏喙三寸以上

爲天雄陶隱居云春時莖初生有腦形似烏鳥之頭

故謂之烏頭有兩岐其蒂狀如牛角名烏喙○吳氏

本草云烏頭一名萇

音郎

一名千秋一名毒公一名果

負一名耿子禹錫等云正月始生葉厚莖方中空葉

四面相當與蒿相似圖經云烏頭烏喙天雄附子煎子都是一種冬至前陸田耕五七遍以猪糞糞之逐月耘耔至次年八月後方成苗高三四尺莖四積葉如艾花紫碧色作穗實小黑如棗榘本只種附子熟後有四物長二三寸爲天雄附子旁尖牙角爲側子絕小者亦名側子元種者爲烏頭其餘大小皆爲附子○爾雅云芡莖草註卽烏頭也江東呼爲莖芡音急莖音新晉語驪姬將譖申生寘鴆于酒寘莖于肉賈逵曰莖烏頭也○詩緝云荼雖苦得霜甜脆故可言如飴烏頭毒物不可食何由知其如飴乎毛氏以莖爲

菜不言毒物○內則云葍葍粉榆注云葍似葍而葉大○公食禮鉶毛皆有滑注云滑葍葍之類○說文云葍根如薺葉如細柳蒸食之甘○爾雅云齧苦葍郭云今葍葵也葉似椰子似米肉食之滑者○本草葍汁味甘唐本注云此菜野生非人所種俗謂之葍菜葉似薺花紫色

械樸

械樸叢生之木苞櫟之屬也械爾雅云一名白桲小木叢生有刺實如耳璫紫赤可啖陸機云械卽柞也其材理全白無赤心者爲白桲直理易破可爲櫝車

輻又可爲矛戟矜今人謂之白栳或曰白栳未知孰是

栳

尚書曰荊州厥貢惟篚簠栳注云出雲夢之澤○詩義疏曰栳上黨人篋以爲箱器屈以爲釵故上黨調問婦人買赭否龜中自有黃土買釵否山中自有栳○藝文類聚云栳水中矢也○陸機云栳其形似荆而赤莖似著

栳

爾雅云栳栳疏栳一名栳音而陸機疏云葉如榆木理

堅韌而赤可爲車轅郭云樹似榲桲而庫小子如細
栗可食今江東亦呼爲榲栗禮記內則云芝榲棧相
是也○內則云芝榲棧相鄭氏云人君燕食所加庶
羞也

菑翳

毛傳云木立死曰菑自斃爲翳爾雅疏李巡云以當
死害生曰菑以立死之木妨他木生長爲木之害故
曰菑也自斃者生木自倒枝葉覆地爲陰翳故曰翳

檉

檉河柳今河旁亦莖小楊枝葉如松皮正赤如絳一

名雨師天之將雨檉先起氣以應之說文知雨而應于天道木之聖者也故从聖亦能負霜雪大寒不凋有異餘柳衍義云卽今之三春柳以一年三秀也三月開淺紅花成細穗河西諸戎人取滑枝爲靶潞安府志草木子赤白檉大者爲炭復人炭汁可以煮銅爲銀本草云赤檉木皮赤色葉細其中木脂一名檉乳○南都賦志檉似栢而香○通志云大概松栢之類而意態似柳故謂之檉柳其材可卷爲盤合又有一種名赤楊又名水楊與此相似而植之水邊其葉經秋盡紅人多植于門巷

楮

楮櫝也爾雅疏陸機云節中腫似扶老卽今靈壽是也今人以爲馬靶及杖弘農郡甚有之○本草云靈壽木作杖令人延年益壽圓長皮紫○漢書孔光傳賜靈壽杖師古曰木似竹有枝節長不過八九尺圍三四寸自然合杖制不須削治也○山海經云廣都之野靈壽實華○王粲頌云寄幹堅正不待矯輶

檠

檠爾雅注云似棗材中作弓及車轆禹貢青州厥篚檠絲注云檠棗蠶絲中琴瑟絃

柘

埤雅柘宜山石柞宜山阜楮宜澗谷柳宜下田竹宜
高平之地攷工記曰弓人取材柘爲上櫪次之檠
次之橘次之木瓜次之荆次之竹爲下蓋弓材莫良
于檠○師古云山櫪之有點文者花木攷云蘭生山
櫪不浴不飼居民取之製爲裘久而不敝○月令云
季春無伐櫪柘○投壺云矢以柘若棘○考工記弓
人取材柘爲上○周書云季夏取櫪柘之火○淮南
子云八月其樹柘○四民月令云柘染色黃赤人君
所尊○蠶書云柘葉飼蚕其絲作琴瑟絃清鳴響亮

○埤雅云柘宜山谷古今注柘實曰佳佳言佳鳥性所食○本草衍義云柘木理有文亦可旋爲器○名物疏按鄭箋云岐周之地險隘多樹木廼競刊除而自居處其刊除之次陸農師論之詳矣作屏修平啓闢攘剔八字皆刊除之義也蓋歸周者日衆地無所容故伐木以立田宅無暇論其材之美不美以去留之也自程子有脩治叢列及剔去繁冗之說而朱子因之故後人遂謂去惡木以存美材不知樗可入藥爲器楮中爲杖亦何嘗不可用而併啓闢之乎

荏菹

爾雅戎菽謂之荏菽註卽胡豆也戎叔一名荏菽孫
炎云大豆也朱註本此鄭箋亦以爲大豆樊光舍人
李巡郭氏皆以爲胡豆郭又云春秋齊侯來獻戎捷
穀梁傳曰戎菽也戎胡俱夷名故以戎菽爲胡豆○
博物志人啖豆三年則身重行止難常食令人肥肌
粗燥○說文云其工氏有不才子以冬至日死爲疫
鬼畏赤小豆故冬至以爲粥厭之

秬秠 麋芑

秬秠麋芑朱註出爾雅麋爾雅作麋註秬秠皆黑黍
矣而春官鬯人註云釀秬爲酒秬如黑黍一秬二米

言如者以黑黍一米者多二秬爲正稱二米則秬中之異故言以明秬有二等也宗廟之中惟裸爲重二米嘉異之物鬯酒宜當用之漢和帝時任城縣生黑黍或三四實二米得黍三斛八斗是也○呂氏春秋曰飯之美者南海之秬○爾雅翼云釋草曰秬黑黍秬一稗二米是秬秬之所以異者在此然則秬必不黑秬必不二米也如鄭氏釋春官鬯人則是以秬之狀雜之于秬郭氏解草又曰秬亦黑黍則又以秬雜之于秬矣○什草云秬黑黍李巡曰黑黍一名秬黍○雅翼云古者薦邊有白黑形鹽白爲熬秬黑卽秬

也至藏冰則用秬黍以享司寒蓋倣其方之色亦以爲酒謂之秬鬯○瑞應圖云后稷播種天降秬秠○孔叢子魏王問子順曰昔上天神異后稷爲之下嘉穀周遂以之興○本草圖經云秬黍之中一稊二米者得天地中和之氣廼生米粒皆勻無大小得此然後可制鍾律○名物疏云按今百穀一稊二米者唯麥爲然說文解秬秠亦云一稊二米而解來字云周所受瑞麥來牟一來二縫然則秠正來牟耳但生民臣工所稱不同來牟又爲釐牟古者來釐丕三字相通○爾雅曰塋赤苗芑白苗又曰粢稷也說文曰粟

嘉穀實也粟之爲言續也○呂氏春秋曰飯之美者
不周之粟○本草曰陳粟味苦無毒○崔豹古今注
曰糜稌也後漢書曰烏丸國其地宜稌

梧桐

雅翼云梧木易生鳥啣墜者輒隨生植其畦種者歲
可種一丈埤雅云青桐花淨妍雅極可愛梧櫟鄂皆
五鳥其子似乳綴其橐鄂生多或五六少或一二飛
鳥喜巢其中○青史子云梧東方之草春木也○王
逸子云梧桐春榮陽木也○爾雅注榮木梧桐也梧
一名櫟爾雅曰櫟梧注今梧桐也○禮記曰季春之

月桐始華○周書曰清明之日桐始華桐若不華歲
有大寒桐知日月正閏生十二葉邊有六葉從下數
一葉爲一月閏則十三月小者卽知閏何月也不生
則九州異君又云桐柔木也而虛其心○宋人四六
梧桐之葉十三黃楊之厄一寸○桐有三種華而不
實曰白桐葉三枚開白花爾雅所謂榮桐木也皮青
而結實曰梧桐四月開淡黃花一如棗花枝頭出絲
墮地成油一曰青桐淮南子謂梧桐斷角也生于山
崗南越志曰青桐花似木棉而輝薰過之子大而有
油曰油桐早春先開淡紅花毛詩謂梧桐不生山崗

言類
也月令桐始華白桐也埤雅謂桐與天地合氣者也
今造琴瑟以花桐是白桐也○爾雅頽桐夏花紅如
大刺桐出泉州花先葉後則五穀熟○月令廣義頽
桐花嶺南處處生自初夏至秋蓋草也葉如桐其花
淡紫萼皆深紅之極者俗訛呼爲貞桐花非是○調
言曰世嘗言金井梧飄以葉上有黃圈文如井故曰
金井非井欄也○華陽國志益州有梧桐華采如絲
人績以爲布名曰華布○廣志曰異國有白桐木其
葉有白毳取其毳淹績織以爲布也○遊山記曰吹
臺有高桐皆百圍嶧陽孤桐方此爲劣○七發曰龍

門之桐百尺無枝其中鬱結輪菌扶疎以分離其根
半死半生冬則烈風飄霰飛雪○張協七命曰寒山
之桐出自大冥含黃鐘以吐幹據蒼岑以孤生○瑞
應圖曰王者任用賢良則梧桐生於東廂

來

來通作秣西番有麥舊名番麥亦曾進貢故名御麥
其幹葉類稌其苞如拳而大其鬚如絨而紅其粒如
芡而瑩白花開于頂實結于節乃異種也

筍

荀爾雅云筍竹萌篋

俗同

箭萌○天官臨人云筍菹雁

言系類二
三
醢筍菹魚醢○陸機云筍皆四月生惟巴竹筍八月
九月生始出地長數寸鬻以苦酒豉汁浸之可以就
酒及食○呂覽云和之美者越駱之筍注越駱山名
筍竹筍也○筍譜云竹初種根食土而下求乎母也
及擢筍冒土而上愛乎子也筍大約不過青綠色本
草木性甲乙氣○李英公本草云竹筍性甘無毒主
消渴利水道益氣可久食

苴

苴傳云水中浮草○箋云樹上棲苴○疏云苴是草
木之枯槁者故在樹未落及已落爲水漂皆稱苴也

䟽稗

䟽稗朱傳云䟽糲也稗則精矣○九章筭術云粟率五十糲米三十稗二十七鑿二十四御二十一

茶蓼

蓼爾雅云蕎虞蓼也註䟽蕎一名虞蓼卽蓼之生水澤者也爾雅又云蔞委葉䟽蔞穢草也一名委葉王肅云茶陸穢草然則茶者原田蕪穢之草非苦菜也茶作蔞蔞作林○名物䟽云茶蓼二草也由田有原有隰故並舉水陸穢草○吳氏本草曰蓼實一名天蓼一名野蓼一名澤蓼○月令季夏燒薶行水利以

殺草如以熱湯可以糞田疇可以美土疆以薺菜薺
之謂也○禮記云膾秋用薺濡豚包苦濡雞醢醬濡
魚卵醬濡鰾醢醬實薺鵝羹雞羹駕醢之薺○蜀本
圖經云薺有紫赤青馬水香水等七種紫赤二薺葉
小狹而厚青香二薺葉相似而俱薄馬水二薺葉大
上有黑點木薺一名天薺蔓生葉似柘諸薺花皆紅
白子皆赤黑木薺花黃白子皮青滑

茆

茆卽蓴一名水葵浮水上莖甚淡三月至八月細如
釵股九月至十月漸粗硬十一月萌在泥中粗短名

瑰蓴味苦體澁爲羹勝雜菜宜雜鮓鯉爲羹又宜老人魚與蓴兩物相宜最爲珍味然以鱠鮓爲之更足生病芹取有香藻取有文茆取有味○埤雅茆蓴也葉如荇菜而紫莖大如箸柔滑可羹○陸機云茆與荇相似葉大如手赤圓有肥者著手中滑不得停莖大如七柄葉可以生食又可嚮滑美江南人謂之蓴菜諸陂澤水中皆有○周禮有茆菹用此物爲菹○茆杜子春讀爲茆說文作力久切以泮宮詩讀之說文音爲叶○說文云茆菹葵也詩曰言采其茆力久切○周禮醢人朝事之豆茆菹康爵注云茆見葵釋文

言解類
云茆音卯北人音柳○于寶云今之鰓音曉草堪音爲菹江東有之○何承天云此菜出東海堪爲菹醬
○名物疏云按本草鳧葵是苳菜萑別一物合陸機
鄭小同之說觀之茆是萑耳于寶何承天之說非也
或以爲猪萑猪萑卽本草圖經所謂瑰萑又一名龜
萑茆與苳本相似故古人卽謂之鳧葵

植穉

植穉傳云先種曰植後種曰穉○韓詩說云植長稼
也穉幼稼也○說文云植早稼也穉幼禾也○正義
云重穠植穉生熟早晚之共稱耳非穀名當謂先種

先熟後種後熟但傳略不言其熟